

**ՏԵՐ ԵՎ ՏԻԿԻՆ ՍՈՂՈՅԱՆՆԵՐԻՆ ՀԱՆՉՆՎԵՑ
ԱՄԵՆԱՅՆ ՀԱՅՈՑ ԿԱԹՈՂԻԿՈՍՈՒԹՅԱՆ
«Ս. ԳՐԻԳՈՐ ԼՈՒՍԱՎՈՐԻՉ» ՇՔԱՆՇԱՆԸ**

Մարտի 30-ին Մայր Աթոռ Սբ. Էջմիածնում Ն.Ս.Օ.Տ.Տ. Ամենայն Հայոց Գարեգին Ա Կաթողիկոսի Հայրապետական կոնդակով (տես էջ 25) ամերիկահայ բարերարներ Տեր և Տիկին Քարլ /Գալուստ/ և Էմմա Սողոյանների շնորհվեց Ամենայն Հայոց Կաթողիկոսության «Ս. Գրիգոր Լուսավորիչ» շքանշանը՝ ի նշան Հայ Առաքելական Եկեղեցուն. հայ ազգին ու մշակույթին մատուցած երկարամյա ծառայությունների գնահատության: Վերջերս Տեր և Տիկին Սողոյանները հանձն առան նաև հովանավորել Սյունյաց Թեմում՝ Վայցում Ս. Տրդատ անունով օծվելիք եկեղեցու կառուցումը:

Բացման խոսքով հանդես եկավ Հայաստանում Ջրիստոնեությունը պետական կրոն հռչակման 1700-ամյակի գրասենյակի վարիչ-քարտուղար Տ. Մեսրոպ արքեպս. Աշճյանը, որից հետո Տ. Արտակ արքեպ Տիգրանյանը հանդիսավորապես ընթերցեց Հայրապետական կոնդակը:

Ապա Գարեգին Ա Ամենայն Հայոց Կաթողիկոսը բարերարներին հանձնեց Հայաստանյայց Առաքելական Եկեղեցու բարձրագույն շքանշանը: Արտահայտելով իր գոհունակությունը և գնահատանքը բարերարներին՝ Վեհափառ Հայրապետը նրանց նվիրեց մի հուշանվեր-խաչքար:

Շքանշանի հանձնման արարողությանը ներկա էին Կաթողիկոսական Ընդհանուր Փոխանորդ Տ. Գարեգին արքեպս. Ներսիսյանը և Տ. Աբրահամ եպս. Մկրտչյանը:

ՄԱՄԼՈ ԳԻՎԱՆ ՄԱՅՐ ԱԹՈՌԻ